

Fabri, Felix: Evagatorium in Terrae Sanctae, ..., ed. v. C.D. Hassler, Bd. 2, 1843,  
enthaltend fol. 183A–291B von Bd. 1 des Autographs (19 555-1) und fol. 2a–74a von  
Bd. 2 des Autographs (19 555-2)

zu Bild Nr.

0716

0714

0720

0710

143

Mathaream hortum balsami veniremus, nos citius inde tollere  
dignaretur, et Chayrum introducere, et inde statim per Nilum  
in Alexandriam mittere, ne contingaret nos naves Alexandri-  
nas de Venetiis negligere. Haec omnia nobis promisit fideliter  
se facturum, et multa plura adjecit, quibus valde consolati  
fuimus. De hoc viro plura restant dicenda suo loco, cuius  
nomen erat Tamquardinus. Venit enim ad nos in vestimentis  
ovium, intrinsecus autem erat lupus rapax, ut patebit fol. 70  
P. II. Habito ergo colloquio nobiscum recessit, revertens in  
Aegyptum. Post prandium transivimus nos peregrini simul  
ad balneum sive aestuarium, et cum Sarracenis balneati sumus  
et loti. Hoc aestuarium erat simile illi in Rama, sicut patet  
fol. 84 A. Post balneationem intravimus ecclesiam sancti  
sepulchri (235 A).

0725

0705

0765

0665

0815

0615

De quinto ingressu peregrinorum in ecclesiam resur-  
rectionis Domini nostri Jesu Christi et in sepulchrum  
Domini.

0215

Decima die, quae est festum Laurentii martyris, et erat  
dominica XI. Trinitatis vespere praecedenti iterum intromissi  
sumus modo supra dicto in ecclesiam sanctissimi sepulchri  
Domini, et nocte illa ad dominicum sepulchrum vigilavimus,  
et loca sancta, ut prius, circuivimus, et dictis matutinis Mis-  
sas celebravimus, et orto sole Missam in dominico monumento  
cantavimus, qua finita per Mauros de templo ejecti fuimus.  
Porro tres fratres Minores de monte Syon, juvenes, fuerant  
nobiscum in ecclesia resurrectionis Domini; hos petivi, quatenus  
mecum in vallem Josaphat descenderent, quia adhuc  
mane erat, quod libentissime facere velle dixerunt, dummodo  
eos apud patrem Gardianum excusarem de non accepta  
licentia, quod eis promisi et feci. Transivimus ergo per civi-  
tatem et in cocorum vicos descendimus, et emi pro fratribus  
illis et me a cocis illis pastillos de ovis, et placetas, et  
pastetas de carnis, et assaturam, et botros, et ficus, et  
cum illis comedibilibus descendimus in vallem, et transito  
torrente in Gethsamini praedio sub olivis in umbra consedi-  
mus et laetum jentaculum simul sumsimus, potu tamen caruimus,

Ende

Anfang